

四庫全書存目叢書編纂委員會編


齊魯書社

四庫全書存目叢書

集部
第八四冊

責任編輯：孫言誠 賀 偉

ISBN 7-5333-0615-5



9 787533 306151 >

31521/06

四庫全書存目叢書·集部八四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 46.5印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第八四冊目次

集部・別集類

飛鴻亭集二十卷(二)

〔明〕吳鵬撰
北京圖書館藏明萬曆吳惟貞刻本

一

葉海峰文集二卷

〔明〕葉良佩撰
首都圖書館藏清光緒二十七年刻本

一四六

重鐫兩崖集八卷

〔明〕朱廷立撰
湖北省圖書館藏明朱之禔等刻本(卷五配鈔本)

一九一

鳳林先生文集四卷

〔明〕王從善撰
北京圖書館藏明嘉靖四十五年衛東楚刻本

二六三

中川遺稿三十三卷

〔明〕王教撰
北京大學圖書館藏明嘉靖三十九年清白堂刻本

四二五

飛鴻亭集二十卷(二)

〔明〕吳鵬撰

北京圖書館藏明萬曆吳惟貞刻本

附《四庫全書總目·飛鴻亭集

二十卷》提要

飛鴻亭集卷之十三

秀水吳鵬萬里父 著

長孫惟貞校梓

書

張玉泉

僕也嘗於奏疏及海防書中知玉泉功業之駿茂有潑仰焉頃會又聞緒論毅然計所樹立當有與銅柱爭峙者茲幸借重於我下邑行見海波不揚東南無警豈惟林泉老朽賴以安席寔宗社之慶也

飛鴻亭集

卷之十三

一

三

朱策菴

東湖在日不甚留意家政故其絲錯無紀似此賴公如天之庇今印子漸底於成然印子穉事體未習練小女亦幼未開於壺則其竊心恒念之痛之渠散逸之業難於歛拾驕悍之僕難於控制懷憾者難平其心覲覲者難滿其慾將來未知其究竟何如所恃者明公在位譬之皎日麗空而陰邪匿伏陸氏得以安全如故不然久已困矣願明公留

意作一區處使善其後印子所居之宅東湖特起
造為婚配計也成親似宜仍居此宅况東所與眾
共處恐未穩當不敢盡言惟公諒之

李業齋

遠別不見顏色山川睽阻又弗克數問起居惟有
悵仰所幸時聞政譽於縉紳喜以自慰知聲寔日
隆赤城之氓不復能久板使轍也平生慕天台為
靈仙之所窟宅馳神運思與孫興公同未得永托
翔遊為歎倘明公肯以尺幅繪一圖賜及則丹丘
福庭移置於我草堂間矣寧不為快

曾桐峰

頃者台從經敕郡秉燭一談真進我十年矣越宿
出謁知仙舟迅發不能追今值養白兄便特布鄙
悰兼謝先辱

徐存齋

先是令家僮問候起居計當徹聽近日小兒緝書
還具述老丈倍膺萬福蓋華夏方倚賴以為安公
之精誠孚契天固有顯相而潛佑者百祿是荷非

東陽李集卷之十三

二

三

偶然也兒輩數蒙接引教之又從而振翼之覆載
忼懷之德何以為報弱息今歸之陸氏伏老丈終
始成全恩施罔極但聞印壻血氣未定而童心未
克中間或有導之以縱逸至不可禁遏是不用矛
刃而殺人者也借老丈鼎重訓戒引置莊嚴之間
豈惟萬樹公賴之將來使陸氏世世繩螫不替誠
大惠也第五犬子得壻於萬樹公當時議成杯酒
之間不韋萬樹公先棄我去某亦侵尋老病子女
且幼更遲十年不知光景仍似今否以此某欲請
陸小姑過寒宅待長養成親風心懷之而不敢先
發頃聞老丈緒論實先得鄙心之所同然伏念幾
務叢集而精神運思猶及於此公之憂先天下是
亦足徵其緊矣尚願老丈主張轉為達之簞菴親
家如肯允從乃敢敢致求請况拙婦以送女北上
今携息而南省十年外人之議論數千里往返跋
涉之艱虞一旦獲萬全之益非老丈其誰能成之
其也又將誰是望

潘笠江

東陽李集卷之十三

三

往承教愛奉違弗克數問起居然時時於犬子家
音中具聞萬福頃知台駕南還未遑走使為賀四
時之序在筮江固無入而不自得但使朝廷之
上去一老成人言者亦近於不怨矣昨會令嗣曾
備談殊增慨也生抵家無他事惟與耕夫釣徒日
翱翔於烟雲湖水之間頗有忘機之樂參玄問道
雖切素心恨無仙骨未遇真傳今僅不失為故吾
耳私念公之功行既滿超凡入聖誠非鄙人所能
追跼賜指授點化俗胎使從控鸞騶鶴之役不
亦幸乎

飛鴻亭集 卷之十三

四

三十九

陸山泉

八月二十九日小价回知賢壻大婚禮竣有父道
焉任職居官有臣道焉萬樹公生前屬望之切今
有成人之責以慰萬樹公者有子道焉則壻之一
身所關係者不淺其所以修身勵行慎始謹終者
亦不可不力如比之匪人昵于凡近安於小成恐
非所以上慰萬樹公者遠見存齋訓戒之詞真對
病之良藥不可不深思而服佩者宜刻扁懸之中

堂庶幾為觸目警心之助先儒言非苟知之實允
蹈之竊為壻重致囑也不然則相知之望俱左矣
如萬樹公何哉令妹議同家累南來寔感存齋
菴推念推愛之至然母子不相離所以善後之策
不得不圖惟於先時遣疾呈報知汝舅往謀於存
齋菴菴不知作何議也托孤寄命予嘗以是自心
許其敢負相知哉

倪若谷

奉違二年餘每切想念而音塵稍寒蓋山林跼伏
之人形響不得不潛而數數白書大都之上恐不
相信者反致疑涼薄是以幾欲修問伸紙濡墨復
止近聞若谷若謂我不想念者對人即誚讓語言
及之若谷可謂不相信者吾老矣學仙無成忽忽
待盡相知者宜相起而乃更相尤耶一笑一笑印
舛姻事既成求媒者本屬男宅以是僕不敢先事
啟齒又私念東湖平昔處若谷之厚必不以存殁
異視今果賴若谷周旋豈惟東湖地下知感僕亦
仰德矣

飛鴻亭集 卷之十三

五

三十九

馮午山

素給舍至奉辱手書高情藹然如承警效兼審起居元吉令郎聰敏日進公詩情酒興方徬徬於湖山溪月之間誠為樂事但念蒼生懸望當宁懷賢恐不能安臥雲樓上也生家居僅不失故吾所苦老病侵尋牙齦搖動而為修情廢雖寤寐崙師形響隱絕驂鸞控虬竟成虛語公於衡岳咫尺當有密遇者不識肯踐粉約携我共躋彼岸否

王夢鶴

飛鴻亭集卷之十三

本

三

僕迂疎性成才不達用前此承乏銓部賴諸名賢左右獲免於罪戾而夢鶴之愛我牖我於儔衆中更至且深能無感乎別後久切懷企以道里之不易京能時問動定頃潭門來報蒙遠翰情文藹然僕老矣近者病亦侵尋所冀材傑益崇令德以答清世若夫機局之順逆利鈍則宜付之義與命也

鍾西臯

生跼伏草莽嘗聞壽星照臨東海上必公足以當之近頗習為修性養命之道以希遐遐孰不識肯

容半席否若夫桑榆之會則此心作凝冰矣

董濟陽

緝兒還倘聞居起之詳推愛之至且承承貺西杞為老人瘡病扶衰之助覽邸報知令孫蒙蔭志修竣事意者在近日計必膺封賚隆典均足為門下賀也聞醜虜侵及近郊自庚戌來再至矣聖上憂危可知今天心厭亂虜已宵遁然將來隱慮不免更煩經畫耳

陳見吾

飛鴻亭集卷之十三

七

三

伏惟明公涖浙無幾仁敏廉毅之聲竟達四境民方賴以為安而鄙人雅荷悁悁之庇亦獲守衰拙於草野今明公擢且行矣雖當道者念八閩多事假材傑以鎮之然浙人攀戀之情何以為慰閩俗故尚畚近罹寇變民當益憊初政似以收拾民心為本民心得又何他政之難圖明公素有見於此者因風及之

張松陵

令德芳譽流傳縉紳間譬之夜光琳碧照耀區宇

孰不知所企嚮况僕雅辱垂愛者耶然不能數數
候起居誠以山林跼伏之跡固宜潛且遠也即承
翰教憐憫厚情溢于言表顧僕何以當之

符重吾

執事政教傳諸口碑僕耳得之見輩還獲覩瞻德
容聆清誨對僕欽頌再三即如僕去沛已久山林
跼伏無足為時軒輊而執事者獨為沛民繫思憐
憫留神於祠宇今又勞遣三老訪僕于二千里外
驚水寤寤之濱此其意豈泛泛與時隨波上下者
乎僕於是益知執事懷古道加于人倍蓰而政與
教之施當有四達不悖者能不敬服乎

張東沙

奉違台範既久弗克以時候訊動履然每得諸聞
聽知玉體安吉順情墳籍述作成一家言將藏之
名山而遺後世古人所謂三立者公蓋兼焉豈尋
常所能企及萬一但令四郊多事主上側席老
成恐東山不能遂高臥耳蒼生休戚安危所繫聊
以公之行止卜之生年歲衰暮取適於魚鳥花月

之外中情一無所營雖故吾尚存而精神意氣不
如前多矣要之似非永年駐世者公玄學深邃幸
有以教我

李西野

使至得聞動定不啻侍几杖而承謦欬末音慰浼
良劇私念其家居近日寡所交游緣物態蒼黃久
要難特又民頑俗薄觸目可憎只得尋魚鳥花月
自適以吾一鄉觀之恐別郡省多類是足以知我
公今日之所值矣請順受付之浮雲流水何如

飛鴻亭集卷之十三

九

馮午山

先是哀給舍使旋僭具啓候門下然三年為別數
千里瞻邇之懷殊非筆舌能盡以僕之私心如是
知午山之情同之也今器讀書日益公夢蘭之慶
今當有徵便煩示及容修賀也僕家居謝客了無
他營日與魚鳥花月為伴覺得野况閒逸身心稍
安且比來民風士習與夫吏治交情皆沿習為滿
薄惟潛隱溪密庶幾可避機穽非高明不能動此
意也公嘗欲觀錢塘西湖之勝而僕亦願窺太和

名山恐均當作夢遊耳地隔心馳奈何

白仰菴

睽遠殊切瞻邈以疎懶故青塵稍寒故聞動履多福日自暢適於圖書山水之間彼氛埃馳騁逐波而飲水者較所得孰多也非達智不足以語此僕杜門寡交往且使習民風舉從薄薄是以潛隱深密恐離機穽人云仰菴家居亦不得免焉俗之偷可嘆也惟逆來順受為當

吳石溪

龍溪亭集卷之十三

十

三十

奉違多歷年所音塵疎曠而粹然之容擴然之度猶能彷彿想見也明公守純抱一充養既深御風騎氣真逍遙於無為之野念僕淺陋寡聞徒願學焉而未至何由侍左右請教至言發我聾聵也

臧龍泉

今之從政者多矣大率自行胸臆以要美名為國為民之意姑舍弗論不亦負於天乎執事素有見於此者惟虛心實政庶幾夙夜以永終譽何所往而不遇也此意尊翁家音中自能言不敢多贅尊

翁康健與僕每同杯酒之歡亦足為執事慰也

馮午山

衰病侵尋日杜門以花草為侶停雲是念綴對酒要不若往時適暢也

徐沙村

石硯爐瓶三事奉返記室家藏清器恐勿可輕以畀人而僕之不肖素未嘗奪人所愛前辱來意不欲峻却置之書榻玩適旬餘亦已見高情矣此風心不敢負也

龍溪亭集卷之十三

十一

陸山泉

予家居無他事早晚唯念賢壻夫妻二人不置未知賢壻能體余心不貽遠憂否凡百謹慎當思患過防勿任一時心性以致後悔尤宜親近正人使所聞者正言所見者正事庶不失為正路上君子在我與萬樹公皆有餘光不可不慎也外聞不過各項器物似當驗封入內如仍舊委之外人久不免化為烏有先生矣匪人導人為無益之事者寔當遠絕舍此皆末節也

倪若谷

仰聞玄學日粹恍然神仙中人此平生篤志之效
僕從事於斯雖久今老病侵尋耳目齒髮漸已衰
頽恐終於命基無益但金丹玉藥於虛無中煉而
成之騰鉛例製潔白見寶真上乘法也

項少瓶

別來不及數問動定然於尊使處聞客邸甚安暢
而適際不如意者常八九須平心守不以俟應階
漸進自然循至絕頂若欲一蹴便到未免傾跌是

龜鴻亭集卷之十三

十三

虞此老朽所既試者敢為少瓶告客中落莫內助
得人誠是樂事身非金石寧無銷鑠挺解之患乎
洞房清宮曰寒熱之媒皓齒娥眉曰伐性之斧少
瓶之身宜思長養之難無自甘毒藥而戲猛獸之
爪牙也在予本不欲以此告然知而不言是忘愛
也日後當有思吾言處勿訝

吳自湖

生家居以來衰病侵尋于天上故人書疏幾絕雖
此心不忘而山林陞伏固宜深潛形響知明公必

不以我為蘭者比年四郊多故經濟時艱非伏豪
傑之才不能驅每見邸報知明公戡定禍亂之勲
光昭寰宇及觀平寇之詩又詞場所獨擅蓋文武
吉甫宜其憲萬邦而匡王國於韓范又奚多讓耶
指計內召在即倘仙鷁經牧郡當伏謁水滸以傾
風懷

白仰菴

比聞道況清嘉寄興圖書山水間真脫荆塵表超
然不羣者企羨高軌日馳此心陳司徒廟羽士二

龜鴻亭集卷之十三

十三

人來訪且言棟宇荒頽欲加修飾須仗有郡符乃
便經營僕謂司徒忠義未泯祀典所不廢有而舉
之為政之善經也明公固郡人何不與郡大夫一
言耶僕往年西經毘陵卜之司徒頗著靈驗茲敢
僭及

錢懷蘇

別來仰企無已每得縉紳口碑知明公德政之詳
東土士民罔弗欣戴私念吾黨群賢更他省者各
著聲譽而懷蘇玄度高風又超然萬物之表誠為

吾黨立赤幟矣

徐存齋

某也腐拙餘生沐浴玄潭既久銘心鑠骨委未嘗忘徒以地隔殊廼不敢數修竿牘之敬於門下每一興思自謂當以疎闊獲罪頃得潯陽及家書極知垂仁之厚體天元氣主張國是非私值也犬子紹遭際聖明偶叨一第本出微章然何嘗有一毫遠道妄干之心豈意忌者積恨懷怨至今未泯此不難刎頸剖腸以自見然言三至雖慈母投

飛鴻事集卷之十三

市

五

杆走矣非仗洞察情態如兒輩之孤立幾何不墮坑塹也某老矣平生受聖恩無以圖報亦欲使兒輩得竭狗馬之力以荅萬一而所遇若此逆知積恨懷怨之未泯終為人所魚肉何不幸之甚也嗟乎命也柰何近日世家子弟多不利於進取弟五小兒質頗敏今使之廢舉子業懲羹吹虀不得不然然聖明在上豈肯錮人於治世以是欲罷未能公亦信其然否敢附告左右博一哂外新茶二封奉上沼沚之毛固知門下所不棄也

聞佗泉

奉違多歷年所音塵寒曠而歧望之私日切於衷舊歲小兒還自鄞述明公耳目聰明步履矯健真神仙中人聽之不勝欣仰念明公厚德未究於用天固萬其壽耶抑平生遇異人指授或得其書也錢江一水之隔弗能趨門墻下請教思戀柰何

高南宇

生行能無以踰人而好德服善之心則敢於自信往時每與明公會退而號於人曰吾黨有黃舛度

飛鴻事集卷之十三

十五

廣

者雖為執鞭固忻慕焉然不獲數領清教心切抱歎既而得佳章寄自金陵不但文采巨麗炫然心目而評許太過若謂不肖尚可與言者在古人所謂知已能忘感乎二三年來懶癖成性不克修竿牘之敬於門下一謝知已之愛頃者小子紹還猥蒙翰貺恕不肖簡略之愆而又加之情焉益以徵明公之德之善過人萬萬矣

張林溪

往時以部中公務每獲見於林溪林溪語及海內

故交未嘗不泫然淚下此其存諸中肯與世俗之
善蒼黃輓覆者同耶以是心竊敬愛別來五年於
茲日有懷戀緣匪影山林弗克具東修問頃蒙華
札先施益服林溪之厚矣

陸山泉

嘗會士大夫多言山泉頗有騎射之好此雖職系
當事者然溺意於此有危墮之憂有激射之虞傷
面目殘形軀搖心肺其害於人決矣擊毬細事也
昔者韓昌黎諫張建封書言甚懇至試取而玩之
飛鴻亭集卷之十三
誠山泉養壽命之大端也彼下人多嚮風迎意誰
肯盡言使予不之言終無言者乎唯山泉垂聽

何古林

達遠光儀將三十年仰企星鳳炳然在目徒以懶
拙不克脩竿牘之敬於門下然每遇南來人士未
嘗不問訊居起得足音為慶也茲便特布鄙悰意
有所不能言言有所不能盡馳神柰何

李三洲

自貴陽奉遠以來音塵寒曠馳戀惟有此心舊歲

覽廣東鄉書如賢嗣裒然薦首雄才碩學理自宜
然而天之報施善類使明公未盡之用授之於賢
嗣其不爽如是茲值小兒紹行令躬謁門牆而布
區區小兒以愚劣當地方寄推通家之愛時賜教
言尤渥致望也

吳太恒

錢江遠隔每瞻海雲依依在目未嘗不歎慕玄範
真聽德音數與礪峰會頗嘆今之從政者大率勉
強於外且末者而根本心術處多略焉如明公者
飛鴻亭集卷之十三
以道德仁義飾政事即古之循良何讓也此同志
者之光

史育陽

某屏跡山林四五年來未嘗不仰企玄範每欲詣
玉女潭一遊庶幾咫尺門牆獲展良覲然天未假
便欲數會緡紳先生及方外士飲聞言論風旨稍
為韋耳不知明公亦信其然否茲因舍甥女病甚
甥即白仰菴之室人也百計治之不效適聞岫嶠
山人來視云得真紅鉛少許則活矣念非門下無

此顯使星馳告求倘蒙檢藥籠中少賜全濟是使
仰菴無妻而有妻也計門下功行滿積又出于三
千外矣感當何如

龐惺菴

恭惟明公蒞臨我浙臺網峻整有以植風聲于天
下豈惟兩浙之人賴之衰朽餘生聽聞材傑在位
施為自別如此與被帡幪之渾曷勝慶幸腴貺及
二三子均沾渥恩明公之仁之厚極崇且深奚啻
川岳入春願祈節鉞早臨救城此寔地方之幸生
飛鴻亭集卷之十三
獲望德輝又大慶也

劉羽泉

某也伏處丘園飢食渴飲獲枕席之安者繫誰之
賜寔賴明公撫綏于上事順人情遂斯民欲壽欲
富欲安欲逸之心而不盡其力是以和氣流行而
某也與被帡幪之渾誠知感矣知慕矣近日民窮
盜發不但江南為然今兵聚財匱散則無所於歸
銷之寔難明公誠有見於是矣立保甲置排柵嚴
緝捕庶幾禁於未發在昔王陽明曾行之江西有

成績望臺下酌采施行奉命敢竭其愚

陳靜齋

歲前猥辱雅况入春仰想德與時亨福隨川至良
足為慶也踰伏草野不敢走謝且賀惟有馳情茲
值西邑屬候謁臺下生念敝城之盜起自倉卒上
恃明威郡中加意而邑屬尤切慎畏是以盜即訪
獲雖為首者遠遁但賊跡敗露計當就縛矣此寔
地方之幸豈惟小子賴之邇來年不順成生意荒
落市井遊手無賴成羣徹桑土而綢繆牖戶惟明
飛鴻亭集卷之十三
公留神焉

潘印川

客歲兒輩還具言蒙愛之深且數心腹腎腸以相
與交情親誼久而愈敦此非盛德之至何以有此
比聞節鉞蒞河渠神禹平成之績於明公是賴將
永永遺休於萬世河渠遷變每經數年一有之蓋
水性無常惟淤沙之積有高下則水隨其勢而趨
之或南或北靡有定所生嘗歷茲土見南旺運河
高於東河殆尋丈若使置城戴村二壩崩決則南

旺運河涸矣又黃陵岡之壩衝決則張秋之患復作此皆明公所宜留神者曰風及之昔者齊桓管仲不棄老馬之智乃敢布其愚知明公不責其妄也

朱鎮山

生僻居泉壑病懶相并於故交書疏殊覺曠絕然時時散步湖濱曙雲春樹未嘗不馳神左右也惟明公巖石具瞻縉紳領袖而乃暫勞節鉞出涖東徐蓋當寧以神禹之任處之平成奏績端在今日

飛鴻亭集卷之十三

手

三

吳望湖

自辛酉長溝奉遠中間書問往復無幾日月云邁竟負初心感今追古能無耿耿于中者客歲知榮召之報執憲以臨制中外立懦廉頑若謂非明公不可者此治道澄清之幾生也與在臭味相同能弗欣慶比來外邊吏頗尚操切之政咸能燁然致

聲稱而民無隱患元氣所傷實多調化樞而挽回元氣不能不仰企於門下恃疇昔雅愛乃敢及之明公以為何如也玄養想益完粹得無以幾務坊功否然自昔神指逍遙人間世者何嘗絕於應務知明公必不以塵氣為苦也

楊虞崖

頃者張武生至奉辱手書寥廓中豈但聞足音楚然是喜且公耳目聰明手足矯捷齒落更生而髮復黑此胡考之休寔明徵也仁者壽公信仁者也

飛鴻亭集卷之十三

廿一

三

平生未盡厥用而今獨隆其壽視諸子若孫繩繩焉驚傳玉立列在左右天之報施善類真為不爽矣生老病侵尋塊然獨處與花木琴書為侶意興落莫恨無雙翼飛墮虞崖之傍傾倒風昔相與抵掌一笑也

張周田

別久此心殊戀戀於左右知周田之懷固同也鱗翼寡使音塵寥絕徒以物情荊棘蒼白翻覆自嘆且如周田入部彼此何曾纖芥庸私於其間天地

鬼神可質者而卒不免於多口他又何言所幸公
論未泯聞榮轉之報騏驎一日千里由此其始顧
益崇令德為邦家光僕雖老優游林壑猶能沾被
芝蘭餘馥也倘天假之便借明公治我兩浙劇談
風昔欣忭當何如

鄭少峰

仙舟經禾郡獲瞻道範兼聽聞緒言逆知明公涖
邑政教當為百城表既而縉紳大夫士自閩至者
咸稱譽少峰之賢有養者自別如此能無深慰于
東者乎比來地方多事而俗尚以操切苛刻為能
古之所謂賢良恐不在是今日收拾民心以崇寔
政明公素達于此矣惟善圖以永終譽

郁陽川

別來辱翰及知起居頗詳近又聞初政之善獲乎
上下不勝欣慰但郡寇竊發震于其鄰無乃勞戒
心乎勿恃其不來恃吾有以待之恐當深為牖戶
計也世俗吏治多崇操切苛刻以為能而視民如
傷事賢友仁之意泯然弗之思誠可以為勵願陽

川慎察以永終譽相知者致祝于斯知陽川不以
為妄也

吳太恒

自春徂夏久稽問候動履傾企無量然得之士人
口碑碩德善政聲冠兩浙生也與在同志之末竊
被芝蘭餘馥能無大慰於心者乎私慙迂拙犬馬
之年日增而力疲意怠學殖益落且愧且懼不但
歲時興感而已以是每遇賤辰之期於親友稱賀
一切謝絕願辱遠使腴賁賁加及之益切佩荷

潘印川

聞河工就緒此宗社之福太平之基也明公舉置
翕然為人心所歸曷勝慶服自古今舉大事動大
眾未有人心不得而強成者故人心悅則天意得
寧無鬼神呵護於其間望明公留神焉新河開矣
而舊河尤不可棄蓋舊河西隄岍堅實較之土跡
易決者似可恃以永久其施工貴相機宜漸次圖
之精衛猶思填海而況於今乎不肖年來衰惰日
益不能時時候起居而仰止之私則馳神殊切矣

故鄉無他事可告左右惟民風澆漓元氣消索實
隱憂也唯智者惜之難與俗人道

胡栢泉

古之君子好德之誠得其人於百世之上亦願為
之執鞭而不辭如明公者以古道淋諸身施諸天
下僕不佞竊慕下風久矣頃聞台後蒞南都曾具
尺牘令小兒繼奉左右道嚮往之私不意持書行
從大江為風雨阻至之日則明公奉太宰之召先
驅已四日矣鄙意未將雖以為歎然竊幸今將有
飛鴻集卷之十三

潘印川

治河之役想今就緒舟航出入漕輓無滯上慰
主上南顧之憂下以為萬民利即禹功何讓焉是
足以為門下賀矣嘗聞之良工心苦無乃門下為
獨勞乎然均勞之議後古今不廢終身受用根抵
在此况遊刃之餘何所不達惟門下慎之邦家之

慶也

郝陽川

使來辱翰幣遠遺為賤辰賀念陽川當地方事苦
心未暇而乃勞神及之佳政宜于民人足為百城
表至臨大事不肯苟順上官以去就決行否傳聞
所全活甚眾其食報不在其身則在其子孫識者
知陽川之後必昌也大凡處事折獄毋執成心即
如近日吾所目覩者乃有信一頑惡之言即欲置
人死地雖千萬訟其冤而不悟訟寃者日多而執
飛鴻集卷之十三

龐惺菴

明公之蒞兩浙祛弊剔蠹抑惡扶良四境之內翕
然著澄清之治頃聞榮命主張斯文一道德同風
俗挽回元氣以興起士類中外誠於明公是望凡
在相知罔不欣慶而僕之頌願則又深矣蓋僕年